

« retulerit, accipite. » Proficit haec ¹ aliquantulum exornatio ad duas res : nam et quid dixerit commonet, et ad reliquum comparat auditorem.

Correctio est, quæ tollit id, quod dictum est, et pro eo id, quod magis idoneum videtur, repunit, hoc pacto : « Quod si iste suos hospites rogas « set, imo innuisset modo; hoc facile perfici pos- « set. » Item, « Nam postquam isti vicerunt, atque « adeo vieti sunt: eam quomodo victoram appell- « lem, que victoribus plus calamitatis, quam boni, « dederit? — « O virtutis comes invidia, quæ bo- « nos insequeris plerumque, atque adeo insecta- « ris! » Commovetur hoc genere animus auditoris. Res enim communii verbo elata, tantummodo dicta videtur: ast ea, post ipsius oratoris correctionem, magis idonea sit pronuntiatione. Non igitur satius esset, dicet aliquis, ab initio, presertim quum scribas, ad optimum et electissimum verbum devenire? Est, quum non est satius, si commutatio verbi id erit demonstratura, ejusmodi rem esse, ut, quum eam communii verbo appellaris, levius dixisse videaris; quum ad electius verbum acce- das, insigniorem rem facias. Quod si continuo venisses ad id verbum, nec rei, nec verbi gratia animadversa esset.

¹ Aliquantum.

XXVII. ² Occupatio est, quum dicimus, nos præterire, aut non scire, aut nolle dicere id, quod tunc maxime diximus, hoc modo: « Nam de pueritia quidem tua, quam tu omni intemperantiae addixisti, dicerem, si hoc tempus idoneum putarem: nunc consulto relinqu. Et illud prætereo, quod te tribuni rei militaris infrequentem tradiderunt: deinde quod injuriarum satisfecisti L. Labeoni, nihil ad rem pertinere puto. Horum nihil dico: revertor ad illud, de quo judicium est. » Item, « Non dico te ab sociis pecunias accepisse, non sum in eo occupatus, quod civitates, regna, domos omnium depeculatus es: fuita, rapinas tuas omnes omitto. » Haec utilis est exornatio, si aut rem, quam non pertineat aliis ostendere, occulte admonuisse prodest, aut si longum est, aut ignobile, aut planum non potest fieri, aut facile potest reprehendi; ut utilius sit occulte fecisse suspicionem, quam hujusmodi intendisse orationem, quæ redarguatur.

Disjunctio est, quum eorum, de quibus dicimus, aut utrumque, aut unumquodque certo concluditur verbo, sic: « Populus romanus Numantiam delevit, Carthaginem sustulit, Corinthum disjecit, Fregellas everxit. Nihil Numantinis vi-

² Spalding ad Quintil., IX, 3: Occultatio.

« res corporis auxiliæ sunt; nihil Carthaginien-
« sibus scientia rei militaris adjumento fuit; nihil
« Corinthiis erudita calliditas presidii tulit; nihil
« Fregellanis morum et sermonis societas opitu-
« lata est. » Item, « Formæ dignitas aut morbo de-
« florescit, aut vetustate extinguitur. » Hic utrum-
que, et in superiore exemplo unamquamque rem
certo verbo concludi videmus.

Conjunctio est, quum interpositione verbi et
superiores orationis partes comprehenduntur, et
inferiores, hoc modo : « Formæ dignitas aut mor-
« bo deflorescit, aut vetustate. »

Adjunctio est, quum verbum, quo res comprehen-
denditur, non interponimus, sed aut primum, aut
postremum collocamus. Primum, hoc pacto : « De-
« florescit formæ dignitas aut morbo, aut vetus-
« tate. » Postremum sic : « Aut morbo, aut vetus-
« tate formæ dignitas deflorescit. » Ad festivitatem
disjunctio est apposita; quare rarius utemur ea,
ne satietatem pariat: ad brevitatem conjunctio;
quare sapienter adhibenda est. Haec tres exornationes
de simplici genere manant.

XXVIII. Conduplicatio est, cum ratione ampli-
ficationis, aut commiserationis, ejusdem unius,
aut plurium verborum iteratio, hoc modo : « ¹ Tu-

¹ Vulgo, Tumultus C. Gracchi tumultus... comparat.

« multus Gracchi, Gracchi tumultus domesticos et
« intestinos comparant. » Item, « Commotus non
« es, quum tibi mater pedes amplexaretur, non es
« commotus? » Item, « Nunc etiam audes in horum
« conspectum venire, proditor patriæ, proditor,
« inquam, patriæ, venire audes in horum con-
« spectum? » Vehementer auditorem commovet
ejusdem redintegratio verbi, et vulnus majus ef-
ficit in contrario cause; quasi aliquod telum sa-
pius perveniat in eamdem partem corporis. Inter-
pretatio est, quæ non iterans idem redintegrat
verbum, sed id commutat, quod positum est, alio
verbo, quod idem valeat, hoc modo : « Rempu-
« blicam radicitus evertisti, civitatem funditus
« dejecisti. » Item, « Patrem nefarie verberasti,
« parenti manus scelerate intulisti. » Necesse est
ejus, qui audit, animum commoveri, quum gravi-
tas prioris dicti renovatur interpretatione verbo-
rum.

Commutatio est, quum duæ sententiae inter se
discrepantes ex transjectione ita efferuntur, ut a
priore posterior, contraria priori, profiscatur,
hoc modo : « Esse oportet, ut vivas; non vivere,
« ut edas. » Item, Ea re poëmata non facio, quia,
« cuiusmodi volo, non possum; cuiusmodi pos-
« sum, nolo. » Item, « Quæ de illo dicuntur, dici
« non possunt; quæ dici possunt, non dicuntur. »

Item, « Si poëma loquens pictura est; pictura tacitum poëma debet esse. » Item, « Quia stultus es, ea re taces; non tamen, quia taces, ea re stultus es. » Non potest dici, quam commode fiat, quum contrariae sententiae translatione verba quoque convertantur. Plura subjecimus exempla, ut, quoniam difficile est hoc genus exornationis inventu, dilucidum esset, ut, quum bene esset intellectum, facilius in dicendo inveniretur.

XXIX. Permissio est, quum ostendimus in dicendo, nos aliquam rem totam tradere et concedere alicuius voluntati, sic: « Quoniam omnibus rebus erectis, ¹ solus superest animus et corpus, haec ipsa, quæ mihi de multis sola relicta sunt, vobis et vestrae condono potestati. Vos me, quo pacto vobis videbitur, utamini, atque abutamini licebit impune: in me, quidquid libet, statuite: dicite, atque obtemperabo. » Hoc genus tametsi alias quoque nonnunquam tractandum est, tamen ad misericordiam commovendam vehementissime est accommodatum.

Dubitatio est, quum querere videtur orator, utrum de duabus potius, aut quid de pluribus potissimum dicat, hoc modo: « Obfuit eo tempore plurimum reipublicæ consulum sive stulti-

¹ Abest solus.

tiam, sive malitiam dicere oportet, sive utramque. » Item, « Tu istud ausus es dicere, homo omnium mortalium...? ² nam quo te, digno moribus tuis, appellem nomine? »

Expeditio est, quum, rationibus compluribus enumeratis, quibus aliqua res aut fieri aut non fieri potuerit, ceteræ tolluntur, una relinquitur, quam nos intendimus, hoc modo: « Necessè est, quum constet istum ² fundum nostrum fuisse, ostendas, te aut vacuum possedisse, aut usum tuum fecisse, aut emisse, aut hereditate tibi venisse. Vacuum, quum ego adessem, possidebere non potuisti: tuum usu fecisse etiam non potes: emto nulla profertur: hereditate tibi, me vivo, mea pecunia venire non potuit. Relinquitur ergo, ut me vi de meo fundo dejecteris. » Haec exornatio plurimum juvabit conjecturales argumentationes; sed non erit, tanquam in plerisque, ut, quum velimus, ea possimus uti: nam facere id non poterimus, nisi nobis ipsa negotiū natura dabat facultatem.

XXX. Dissolutio est, quæ, conjunctionibus verborum e medio sublati, partibus separatis effertur, hoc modo: « Gere morem parenti, pare cognatis, obsequere amicis, obtempera legibus. »

¹ Quero, quoniam te, etc. ² Nostrum fundum.

Item, « Descende in integrum defensionem, noli
« quidquam recusare, da servos in quaestioneM,
« stude verum invenire. » Hoc genus et acrimoniam
habet in se, et vehementissimum est, et ad bre-
vitateM accommodatum.

Præciso est, quum, dictis quibusdam, reli-
quum, quod ceptum est dici, relinquitur in au-
dientium judicio, sic: « Mibi tecum præcertatio
« non est, ideo quod populus romanus me... nolo
« dicere, ne cui forte arrogans videar: te autem
« sæpe ignominia dignum putavit. » Item, « Tu ista
« nunc audes dicere, qui nuper alienæ domui...?
« non ausim dicere, ne, quum te digna dixeris,
« me indignum quidpiam dixisse videar. » Hic atro-
cior tacita suspicio, quam diserta explanatio facta
est.

Conclusio est, que brevi argumentatione ex iis,
que ante dicta sunt, aut facta, conficit id, quod
necessario consequatur, hoc modo: « Quod si Da-
« nais datum erat oraculum, non posse capi Tro-
« jam, sine Philoctete sagittis, haec autem nihil aliud
« fecerunt, nisi Alexandrum perculerunt: hunc ex-
« stingueret, id nimurum capi fuit Trojam. »

XXXI. Restant etiam decem exornationes verbo-
rum, quas idcirco non vase dispersimus, sed a su-
perioribus separavimus, quod omnes in uno gene-
re positæ sunt. Nam earum omnium hoc proprium

est, ut ab usitata verborum potestate recedatur,
atque in aliam rationem cum quadam venustate
oratio conferatur.

De quibus exornationibus nominatio est prima,
que nos admonet, ut, cui rei nomen aut non sit,
aut satis idoneum non sit, eam nosmet idoneo
verbo nominemus, aut imitationis, aut significatio-
nis causa. Imitationis, hoc modo, ut majores
rudere, et vagire, et mugire, et murmurare, et
sibilare appellaverunt. Significandæ rei causa, sic:
« Postquam iste in rempublicam fecit impetum,
« fragor civitatis imprimis est auditus. » Hoc gene-
re raro utendum est, ne novi verbi assiduitas odium
pariat: sed si commode quis eo utatur, et raro,
non modo non offendet novitatem, sed exornabit
etiam orationem.

Pronominatio est, que sicuti cognomine quo-
dam extraneo demonstrat id, quod suo nomine
appellari non potest; ut, si quis, quum loquatur
de Gracchis: « At non Africani nepotes, inquiet,
« istiusmodi fuerunt. » Item, si quis de adversario
quum dicat: « Videte nunc, ¹inquiet, judices, quem
« admodum me Plagiosippus iste tractarit. » Hoc
pacto non inornate poterimus et in laudando, et in
lædendo, ² aut corpore, aut animo, aut extraneis

¹ Inquiet. ² In corpore, in animo, aut in extranis rebus.

rebus dicere, sicuti cognomen, quod pro certo nomine¹ collocemus.

XXXII. Denominatio est, quæ a propinquis et finitimiis rebus trahit orationem, qua possit intelligi res, quæ non suo vocabulo sit appellata. Id aut ab inventore conficitur, ut si quis de Tarpeio loquens, eum Capitolinum nominet: aut ab invento, ut si quis pro Libero vinum, pro Cerere frugem appetet: aut ab instrumento dominum, ut si quis Macedonas appellari, hoc modo: «Non tam cito «sarissæ Græcia potitæ sunt»; aut idem, Gallos significans, dicat: «Nec tam facile ex Italia materis «Transalpina depulsa est»: aut id, quod fit, ab eo, qui facit; ut, si quis, quum bello velit ostendere aliquid quempiam fecisse, dicat: «Mars istud «te facere necessario coegit»: aut si, quod facit, ab eo, quod fit, ut, quum desidiosam artem dicimus, quia desidiosos facit; et frigus pigrum, quia pigros facit. Ab eo, quod continet, id, quod continetur, hoc modo denominabitur: «Armis Italia «non potest vinci, nec Græcia disciplinis.» Nam hic pro Græcis et Italis, quæ continent, notata sunt. Ab eo, quod continetur, id, quod continet; ut, si quis aurum, vel argentum, aut ebur nominet, quum divitias velit nominare. Harum om-

¹ Collocamus.

nium denominationum magis in præcipiendo divisi, quam in querendo difficulter inventio est, ideo quod plena consuetudo est non modo poetarum et oratorum, sed etiam quotidiani sermonis, hujusmodi denominationum.

Circuicio est oratio, rem simplicem¹ assumta circumscribens elocutione, hoc pacto: «Scipionis «providentia Carthaginis opes fregit.» Nam hic, nisi ornandi ratio quædam esset habita, Scipio potuit et Carthago simpliciter appellari.

Transgressio est, quæ verborum perturbat ordinem perversione, aut transjectione. Perversione, sic: «Hoc vobis deos immortales arbitror dedisse «pietate pro vestra.» Transjectione, hoc modo: «Instabilis in istum plurimum fortuna valuit.» Item, «Omnes invidiose eripuit tibi bene vivendi «casus facultates.» Hujusmodi transiectio, quæ rem non reddit obscuram, multum proderit ad continuationes, de quibus ante dictum est: in quibus oportet verba² sint ad poeticum quedam exstructa numerum, ut perfecte et perpolitissime possint esse absolute.

XXXIII. Superlatio est oratio superans veritatem, alicujus augendi, minuendive causa. Haec sumi-

¹ Assumtam. ² Sicut a poetis in quendam extruere numerum.

tur separatim , aut cum comparatione . Separatim sic : « Quod si concordiam retinebimus , imperii « magnitudinem solis ortu atque occasu metiemur . » Cum comparatione , aut a similitudine , aut a praestantia [superlatio sumitur] . A similitudine sic : « Corpore niveum candorem , aspectu igneum ar- « dorem assequebatur . » A praestantia , hoc modo : « Cujus ore sermo melle dulcior profluebat . » ¹ Ex eodem genere hoc est : « Tantus erat in armis « splendor , ut solis fulgor obscurior videretur . »

Intellectio est , quum res tota parva de parte cognoscitur , aut de toto pars . De parte totum si intelligitur : « Non illæ te nuptiales tibiae ejus ma- « trimonii commonebant ? » Nam hic omnis sancti- monia nupiarum , uno signo tibiarum intelligitur . De toto pars , ut si quis ei , qui vestitus aut ornatum sumtuosum ostentet , dicat : « Ostentas mihi « divitias , et locupletes copias jactas . » Ab uno plura intelliguntur , hoc modo : « Peno fuit His- panus auxilio , fuit immanis ille Transalpinus : « in Italia quoque idem nonnemo togatus sensit . » A pluribus unum sic intelligitur : « Atrox calamitas « pectora moerore pulsabat . Itaque anhelans ex « imis pulmonibus præ cura spiritus ducebatur . » Nam in superioribus plures Hispani , et Galli , et

¹ Abest ex.

togati , hic unum pectus et unus pulmo intelligitur : et erit illic diminutus numerus festivitatis , hic adactus gravitatis gratia .

Abusio est , quæ verbo simili et propinquo pro certo et proprio abutitur , hoc modo : « Vires ho- « minis breves sunt , aut parva statura , aut longum « in homine consilium ; — aut oratio magna , — aut « uti paucō sermone . » Nam hic facile est intel- lectu , finitima verba rerum dissimilium , ratione abusionis esse traducta .

XXXIV. Translatio est , quum verbum in quam- dam rem transfertur ex alia re , quod propter si- militudinem recte ¹ videbitur posse transferri . Ea utimur rei ante oculos ponendæ causa , sic : « Hic « Italiam tumultus expergefecit terrore subito . » Brevis causa , sic : « Recens adventus exercitus « subito civitatem extinxit . » Obscenitatis vitanda causa , sic : « Cujus mater quotidianis nuptiis de- « lectatur . » Angendi causa , sic : « Nullius moeror « et calamitas istius explere inimicitias , et nefariam « saturare crudelitatem potuit . » Minuendi causa , sic : « Magno se predicat auxilio fuisse , quia paul- « lulum in rebus difficillimis aspiravit . » Ornandi causa , sic : « Aliquando reipublica rationes , quæ « malitia nocentum ² exaruerunt , virtute optimâ-

¹ Videtur. ² Exaruerant.

« tum ¹ revirescent. » Translationem dicunt pudenter esse oportere, ut cum ratione in consimilem rem transeat, ne sine delectu temere et cupide videatur in dissimilem transcurrisse.

Permutatio est oratio, aliud verbis, aliud sententia demonstrans. Ea dividitur in tres partes, similitudinem, argumentum, contrarium. Per similitudinem sumitur, quum translationes, una, aut plures, frequenter ponuntur a simplici ratione ductae, sic: « Nam quum canes funguntur officiis « luporum, cui præsidio pecua credemus? » Per argumentum tractatur, quum a persona, aut a loco, aut a re aliqua, similitudo, augendi aut minuendi causa, ducitur: « Ut si quis Drusum, ² Gracchum, Numitorem obsoletum dicat. » Ex contrario ducitur sic: « Ut si quis hominem prodigum et luxuriosum illudens, parcum et diligenter appellat. » Et in hoc postremo, quod ex contrario sumitur; et in illo primo, quod a similitudine ducitur, per translationem argumento posterius uti. Per similitudinem, sic: « Quid ait hic rex, atque Agamemnon noster, sive, ut crudelitas es, potius Atreus? » Ex contrario: « Si quem impium, qui patrem verberaverit, Eneam vocemus; intemperantem et adulterum, Hippolytum

¹ Reviruere. ² Schütz: Gracchi nitorem obsoletum.

« nominemus. » Hæc sunt fere, quæ dicenda videbantur de verborum exornationibus. Nunc res ipsa monet, ut deinceps ad sententiarum exornationes transeamus.

XXXV. Distributio est, quum in plures res, aut personas, negotia quædam disperintur, hoc modo: « Qui vestrum, judices, nomen senatus « diligit, hunc oderit necesse est: petulantissime « enim semper iste oppugnavit senatum. Qui eques « trem locum splendidissimum cupit esse in civitate, is oportet istum maximas penas dedisse « velit, ne iste sua turpitudine ordini honestissimo « maculæ atque dedecori sit. Qui parentes habetis, « ostendite istius supplicio, vobis homines impios « non placere. Quibus liberi sunt, statuite exemplum, quantæ penæ in civitate sint hominibus « istiusmodi comparatae. » Item, « Senatus officium « est, consilio civitatem juvare; magistrorum officium « est, opera et diligentia consequi voluntatem senatus; populi officium est, res optimas, et homines idoneos maxime, suis sententiis ¹ diligere et probare. » — « Accusatoris officium est, inferre crimina; defensoris, diluere et propulsare; testis est, dicere, quæ ² sciat, aut audierit; quæsitoris est, unumquemque horum in officio suo conti-

¹ Eligere. ² Scierit.

«nere. Quare, L. Cassi, si testem, præterquam quod sciat, aut audierit, argumentari, et conjectura prosequi patieris; jus accusatoris cum jure testimonii commiscebis, testis improbi cupiditatem confirmabis, reo duplicum defensionem parabis.» Est hæc exornatio copiosa. Comprehendit enim brevi multa, et suum cuique tribuens officium, separatim res dividit plures.

XXXVI. Licentia est, quum apud eos, quos aut vereri, aut metuere debemus, tamen aliquid pro jure nostro dicimus, quod eos minime offendat, aut quos ii diligunt, quum in aliquo errato vere reprehendi posse videantur, hoc modo: «Miramini, Quirites, quod ab omnibus vestra rationes deseratur? quod causam vestram nemo suscipiat? quod se nemo vestri defensorē profiteatur? Id tribuite vestrae culpæ; atque desinitate mirari. Quid enim est, quare non omnes istam rem fugere ac vitare debeant? Recordamini, quos habueritis defensores; studia eorum vobis ante oculos proponite; deinde exitus omnium considerate. Tum vobis veniet in mentem, ut vere dicam, negligentia vestra, sive ignavia potius illos omnes ante oculos vestros trucidatos esse, inimicos eorum vestris suffragiis in amplissimum locum

* Ponite.

«pervenisse.» Item, «Nam quid fuit, judices, quare in sententiis ferendis dubitaveritis, aut istum hominem nefarium ampliaveritis? Non apertissimæ res erant criminis dætae? Non omnes hæc testibus comprobatae? Non contra tenuiter et nugatorie responsum? Hic vos veriti estis, si primo cœtu condemnassetis, ne crudeles existimaremetis? Dum eam vitias vituperationem, que longe a vobis erat abfutura, eam invenistis, ut timidi atque ignavi putaremini. Maximas, et privatas, et publicas calamitatis accepistis: quum etiam majores impendere videantur, sedetis et oscitamini. Luce noctem, nocte lucem expectatis. Aliquid quotidie acerbi atque incommodi nuntiatur, et eum, cuius opera vobis hæc accidunt, remoramini diutius et alitis; ac reipublicæ perniciem retinetis, quoad potestis, in civitate.»

XXXVII. Eiusmodi licentia si nimium videbitur acrimonias habere, multis mitigationibus lenietur. Nam continuo aliquid hujusmodi licebit inferre: «Hic ego virtutem vestram quaro, sapientiam desidero, veterem consuetudinem requireo;» ut quod erit commotum licentia, id mitigetur laude; ut altera res ab iracundia et molestia removeat, altera ab errato deterreat. Hæc res, sicut in ami-

* Laude mitigetur.

citia, ita in dicendo, si loco fit, maxime facit, ut et illi, qui ¹ audient, a culpa absint, et nos, qui dicimus, amici ² ipsorum et veritatis esse videamur.

Est autem quoddam genus licentiae in dicendo, quod astutiore ratione comparatur: quum aut ita objurgamus eos, qui audiunt, quomodo ipsi se ³ cupiant objurgari: aut id, quod scimus facile omnes audituros, dicimus nos timere, quomodo accipiant; sed tamen veritate commoveri, ut nihil secius dicamus. Horum amborum generum exempla subjiciemus. Prioris, hujusmodi: « Nimirum, « Quirites, animis estis simplicibus et mansuetis; « nimirum creditis unicinque. Existimatis unum- « quemque eniti, ut perficiat, que vobis pollicitus « sit. Erratis, et frustra falsa spe jam diu detine- « mini. Stultitia vestra ⁴ id, quod erat in vestra « potestate, ab aliis petere, quam ipsi sumere ma- « luistis. » Posterioris licentiae hoc erit exemplum: « Mihi cum isto, judices, fui amicitia; sed ⁵ ista « amicitia, tametsi vereor quomodo accepturi sitis, « ⁶ dicam tamen, vos me privastis. Quid ita? Quia, « ut vobis essem probatus, eum, qui vos oppug- « nabat, inimicum, quam amicum habere malui. » Ergo haec exornatio, cui licentiae nomen est, sicuti

¹ Audiunt. ² Eorum. ³ Cupiunt. ⁴ Est, qui quod.
⁵ Ista tapen. ⁶ Abest dicam tamen.

demonstravimus, dupli ratione tractabatur; acri- monia, quæ si nimium fuerit aspera, mitigabitur laude, et assimilatione, de qua posterius diximus, quæ non indiget mitigationis, propterea quod imi- tatur licentiam, et sua sponte ad animum audi- toris se accommodat.

XXXVIII. Deminutio est, quum aliquid esse in nobis, aut in iis, quos defendimus, aut natura, aut forma, aut industria dicemus egregium: quod, ne qua significetur arrogans ostentatio, deminuitur et attenuatur oratione, hoc modo: « Nam hoc pro meo « jure, judices, dico, me labore et industria cu- « rassem, ut disciplinam militarem non in postremis « tenerem. » Hic si quis dixisset, ut optime tene- rem, tametsi vere dixisset, tamen arrogans visus esset. Nunc et ad invidiam vitandam, et ad laudem comparandam satis dictum est. Item, « Utrum igitur « avaritia causa, an egestatis, accessit ad malefi- « cium? Avaritiae? at largissimus fuit in amicos; « quod signum liberalitatis est, quæ ¹ est contraria « avaritiae. Egestatis? at huic quidem pater (nolo « nimirum dicere) non tenuissimum patrimonium « reliquit. » Hic quoque vitatum est, ne magnum ant maximum diceretur. Hoc igitur in nostris, aut eorum, quos defendemus, egregii commodis pro-

¹ Contraria est avaritia.

ferendis observabimns. Nam ejusmodi res et invidiā contrahunt in vita, et odium in oratione, si inconsiderate tractes. Quare, quemadmodum ratione ¹ in vivendo fugitur invidia, sic in dicendo, consilio vitatur odium.

XXXIX. Descriptio nominatur, quæ rerum consequentium continet perspicuam et dilucidam cum gravitate expositionem, hoc modo : « Quod si istum, judices, vestris sententiis liberaveritis, statim sicut e cavea leo missus, aut aliqua teterrima bellua soluta ex catenis, volitabit et vagabitur in foro, acuens dentes ² multos, in cujusque fortunas, in omnes amicos atque inimicos, notos atque ignotos incursans; aliorum famam depeculans, aliorum caput oppugnans, aliorum domum atque omnem familiam perfringens, rem publicam funditus labefactans. Quare, judices, ejicite eum de civitate, liberate omnes formidine : vobis denique ipsis consulite. Nam si istum impunitum dimiseritis, in vosmet ipsis, mihi credite, feram et truculentam bestiam ³ immiseritis. » Item, « Nam si de hoc, judices, gravem sententiam tales ritis, uno judicio simul multos jugulaveritis. Grandis natu parens, cuius spes senectutis omnis in hujus adolescentia posita est, quare velit

¹ Vivendi. ² Mel. inultos. ³ Additur judices.

« in vita manere, non habebit : filii parvi, privati patris auxilio, ludibrio et despiciū paternis ini-
micis erunt oppositi : tota domus hujus indigna-
concidet calamitate : at inimici statim sanguino-
lenta palma, crudelissima Victoria potiti, insul-
tabunt in horum miserias, et superbi re simul
et verbis invehentur. » Item, « Nam neminem
vestrum fugit, Quirites, capta urbe, quæ mi-
serie consequi soleant : arma qui contra tolerint,
statim crudelissime trucidantur; cetéri, qui pos-
sunt per etatem et vires laborem ferre, rapiuntur
in servitatem ; qui non possunt, vita privantur :
uno denique atque eodem tempore domus hos-
tili ² flagrati incendio, et quos natura, aut voluntas
necessitudine, aut benivolentia conjunxit, distra-
huntur : liberi partim e gremiis parentum diri-
piuntur, partim in sinu jugulantur, partim ante
pedes constuprantur. Nemo, judices, est, qui
possit satis rem consequi verbis, nec referre ora-
tione magnitudinem calamitatis. » Hoc genere
exornationis, vel indignatio, vel misericordia potest
commoveri, quum res consequentes comprehensa
universæ perspicua breviter exprimuntur oratione.

XL. Divisio est, quæ rem semovens ³ ab re, utramque absolvit, ratione subjecta, hoc modo :

¹ Nostrum. ² Flagravit. ³ A re.

« Cur ego nunc tibi quicquam objiciam? Si probus es, non mernisti: sin improbus, non commovearis. » Item, « Quid nunc ego de meis ¹ promeritis praedicem? Si meministis, obtundam: sin oblitus estis, quum re nihil egerim, quid est, quod verbis proficere possim? » Item, « Dux res sunt, quae possunt homines ad turpe compendium comovere, inopia atque avaritia. Te avarum in fraterna divisione cognovimus; inopem atque egentem nunc videmus. Qui potes igitur ostendere causam maleficii non fuisse? » Intra hanc divisionem, et illam, quae de partibus orationis tertia est, de qua in libro primo diximus secundum narrationem, hoc interest: illa dividit per enumerationem, aut per expositionem, quibus de rebus in tota oratione disputatio futura sit; haec se statim explicat, et brevi duabus aut pluribus partibus subjiciens rationes, exornat orationem.

Frequentatio est, quum res in tota causa dispersae coguntur in unum, quo gravior, aut acrior, aut criminosior oratio sit, hoc pacto: « A quo tandem abest iste vitio? Quid est, judices, cur velitis eum liberare? Suæ pudicitiae proditor est, insidiator alienæ; cupidus, intemperans, petulans, superbus; impius in parentes, ingratus in amicos, in-

¹ Propriis meritis.

« festus in cognatos, in superiores contumax, in æquos et pares fastidios, in inferiores crudelis, denique in omnes intolerabilis. »

XLI. Ejusdem generis est illa frequentatio, quæ plurimum conjecturalibus causis opitulatur, quum suspiciones, quæ separatim dictæ, minutæ et infirma erant, unum in locum coactæ rem videntur perspicuum facere, non suspiciosam, hoc pacto: « Nolite igitur, nolite, judices, ea, quæ dixi, sed paratum spectare; sed omnia colligite, et conferte in unum. Si et commodum ad istum ex illius morte veniebat, et vita hominis est turpissima, animus avarissimus, fortunæ familiares attenuatissimæ, et res ista bono nemini præter istum fuit; neque alias quisquam aque commode, neque iste aliis commodioribus rationibus facere potuit; neque præteritum quicquam est ab isto, quod opus fuerit ad maleficium, neque factum, quod opus non fuerit; et quum locus idoneus maxime quæsusitus, tum occasio aggrediendi communis, tempus adeundi opportunissimum, spatium conficiendi longissimum sumtum est, non sine maxima occultandi et perficiendi maleficii spe; et præterea ante, quam occisus homo is est, iste visus est in eo loco, in quo occisio facta, so-

¹ Fortuna familiaris rei attenuatissima.

lus; paullo post in ipso maleficio, vox illius, qui occidebatur, auditæ; deinde post occasionem, istum multa nocte domum rediisse constat; postera die titubanter et inconstanter de occisione illius locutum; hæc partim testimoniis, partim quæstionibus et argumentis omnia comprobantur, et rumore populi, quem ex argumentis natum, necesse est esse verum: vestrum est, judices, his in unum locum collatis, certam sumere scientiam, non suspicionem maleficii. Nam unum aliquid, aut alterum potest in istum casu cecidisse suspicione: ut omnia inter se a primo ad postremum convenient [maleficia], necesse est casu non posse fieri. Vehemens est hæc exornatio, et in conjecturali constitutione cause ferme semper necessaria, et in ceteris generibus causarum, et in omni oratione adhibenda nonnunquam.

XLI. Expolitio est, quum in eodem loco manemus, et aliud atque aliud dicere videmur. Ea duplíciter fit, si aut eamdem plane rem dicemus, aut de eadem re. Eamdem rem dicemus, non eodem modo (nam id quidem obtundere auditorem est, non rem expolire), sed commutatè. Commutabimus tripliciter, verbis, pronuntiando, tractando. Verbis commutabimus, quum, re semel dicta, iterum, aut sèpius aliis verbis, quæ idem valeant, eadem res proferetur, hoc modo: Nullum tan-

tum est periculum, quod sapiens pro salute patriæ vitandum arbitretur. Quum agetur incolamitas perpetua civitatis, qui bonis erit rationibus prædictis, profecto nullum vite discriminis sibi pro fortunis reipublicæ fugiendum putabit; et erit in ea sententia semper, ut pro patria studiose quamvis in magnam descendat vita dimicatio nem. Pronuntiando commutabimus, si tum in sermone, tum in acrimonia, tum in alio atque alio genere vocis atque gestus, eadem verbis commutando, ¹ pronunciationem quoque vehementius immutabimus. Hoc neque commodissime scribi potest, neque parum est apertum: quare non eget exempli. Tertium genus est commutationis, quod tractando conficitur, si sententiam trajiciemus aut ad sermocinationem, aut ad exuscitationem.

XLIII. Sermocinatio est (de qua planius paulo post suo loco dicemus, nunc breviter ad hanc rem, quod satis sit, attingemus), in qua constituetur alicuius personæ oratio accommodata ad dignitatem, hoc modo, ut, quo facilius res cognosci possit, ne ab eadem sententia recedamus: Sapiens, qui omnia reipublicæ causa suscipienda pericula putabit, sepe ipse secum sic loquetur: Non mihi soli, sed etiam atque adeo multo potius, natus

¹ Pronunciatione.

« sum patriæ : vita quæ fato debetur, saluti patriæ
 « potissimum solvatur. Aluit hæc me : tute atque
 « honeste produxit usque ad hanc ætatem : munit
 « meas rationes bonis legibus, optimis moribus,
 « honestissimis disciplinis. Quid est, quod a me sa-
 « tis ei persvoli possit, unde hac accepta sunt?
 « Quia hæc loquitur secum sapiens, sepe ego in pe-
 « ricolis reipublicæ nullum ipse periculum fugi. » Item
 mutatur res tractando, si traducitur ad exsus-
 citationem, quum et nos commoti dicere videamur,
 et auditoris animum commovemus, sic : « Quis est
 « tam tenui cogitatione prædictus, cuius animus
 « tantis angustiis invidie continetur, qui non hunc
 « hominem studiosissime laudet, et sapientissimum
 « judicet, qui pro salute patriæ, pro incolumitate
 « civitatis, pro reipublicæ fortunis quamvis mag-
 « num atque atrox periculum studiose suscipiat, et
 « libenter subeat? Evidem hunc hominem magis
 « cupio satis laudare, quam possum; idemque hoc
 « certo scio vobis omnibus usu venire. »

Eadem res igitur his tribus in dicendo commuta-
 bitur, rebus, verbis, pronuntiando, tractando: sed
 tractando dupliciter, sermocinatione, et exsusci-
 tatione. Sed de eadem re quum dicemus, pluribus
 utemur commutationibus. Nam quum rem simpli-
 citer pronuntiaverimus, rationem poterimus subjici-

cere : deinde ¹ dupliciter, vel sine rationibus, vel
 cum rationibus, pronuntiare sententiam : deinde
 afferre contrarium; de quibus omnibus diximus in
 verborum exhortationibus: deinde simile et exem-
 plum, de quo suo loco plura dicemus: deinde con-
 clusionem, de qua in secundo libro, quæ opus
 fuerunt, diximus, demonstrantes, argumentatio-
 nem quemadmodum concludere oporteat. In hoc
 libro docuimus, cujusmodi esset exhortatio verbi,
 cui conclusioni nomen est.

XLIV. Ergo hujusmodi vehementer ornata po-
 terior esse expolitio, quæ constabit ex frequentibus
 verborum exhortationibus et sententiarum. Hoc
 modo igitur septem partibus tractabitur. Sed ab
 ejusdem sententiæ non ² recedemus exemplo, ut
 scire possis, quam facile præceptione rhetorica res
 simplex multiplici ratione tractetur. « Sapiens nul-
 « lum pro republica periculum vitabit; ideo quod
 « sepe fit, ut, quum pro republica perire noluerit,
 « necessario cum republica pereat. Et quoniam
 « sunt omnia commoda a patria accepta, nullum
 « incommodum pro patria grave putandum est.
 « Ergo qui fugiunt id periculum, quod pro repu-
 « blica subeundum est, stulte faciunt. Nam neque

¹ Duplicem. ² Recedamus.

« effugere incomoda possunt, et ingratii in civi-
 « tatem reperiuntur. At, qui patriæ pericula suo peri-
 « culo expetunt, hi sapientes putandi sunt, quum
 « et eum, quem debent, honorem reipublicæ red-
 « dunt, et pro multis perire malunt, quam cum
 « multis. Etenim vehementer est iniq[ui]um, vitam,
 « quam a natura acceptam propter patriam con-
 « servaveris, naturæ, quum cogat, reddere; patriæ,
 « quum roget, nondare; et quum possis cum summa
 « virtute et honore pro patria interire, malle per
 « dedecus et ignaviam vivere; et, quum pro amicis
 « et parentibus et ceteris necessariis adire pericu-
 « lum velis, pro republica, in qua et ¹ hæc, et illud
 « sanctissimum nomen patriæ ² continentur, nolle
 « in discrimen venire. Itaque uti contemnendus
 « est, qui in navigando se, quam navim, mavult
 « incolumem: ita vituperandus, qui in reipublicæ
 « discrimine, suæ plus, quam communi saluti,
 « consulti. Nave enim fracta, multi incolumes eva-
 « serunt: ex naufragio patriz salvis nemo potest
 « enatare. Quod mihi bene videtur Decius intel-
 « lexisse, qui se devovisse dicitur, et pro legioni-
 « bus in hostes immisisse medios: ³ unde amisit
 « vitam; at non perdidit: re enim vilissima certam,
 « et parva maximam redemit. Dedit vitam, accepit

¹ Hoc. ² Continetur. ³ Abest unde.

« patriam: amisit animam, potitus est gloria, quæ
 « cum summa laude prodita vetustate quotidie ma-
 « gis emitescit. Quod si, pro republica debere ac-
 « cedere ad periculum, et ratione demonstratum
 « est, et exemplo comprobatum, ii sapientes sunt
 « existimandi, qui nullum pro salute patriæ peri-
 « culum vitant. » In his igitur generibus exploitio
 « versatur, de qua producti sumus, ut plura dicere-
 « mus, quod non modo, quum causam dicimus, ad-
 « juvavit et exornat orationem, sed multo maxime per
 « eam exercemur ad elocutionis facultatem. Quare
 « conveniet extra causam in exercendo rationes ad-
 « libere exploitionis, in dicendo uti, quum exorna-
 « bimus argumentationem, de qua diximus in libro
 « secundo.

XLV. Commoratio est, quum in loco firmissimo,
 quo tota causa continetur, manetur diutius, et eodem
 saepius redditur. Hac uti maxime convenit, et
 id est oratoris boni maxime proprium. Non enim
 datur auditori potestas animum de re firmissima
 dimovendi. Huic exemplum satis idoneum subjici
 non potuit, propterea quod hic locus non est a tota
 causa separatus, sicuti membrum aliquod, sed
 tanquam sanguis, perfusus est per totum corpus
 orationis.

Contentio est, per quam contraria referuntur. Ea
 est in verborum exornationibus, ut ante docui-

mus, ejusmodi: «Inimicis te placabilem, amicis «inexorabilem præbes.» In sententiarum, hujusmodi: «Vos hujus incommodis lugetis, iste rei «publicæ calamitate lœtatur. Vos vestris fortunis «diffiditis, iste solus suis eo magis confidit.» Inter hæc duo contentionum genera hoc interest: illud ex verbis celeriter relatis constat; hic sententiæ contrariae ex comparatione referantur oportet.

Similitudo est oratio traducens ad rem quamquam aliquid ex re dispari simile. Ea sumitur aut ornandi causa, aut probandi, aut apertius dicendi, aut ante oculos ponendi.¹ Et quomodo quatuor de causis sumitur, ita quatuor modis dicitur: per contrarium, per negationem, per brevitatem; per collationem. Ad unamquamque sumendæ causam similitudinis accommodabimus singulos modos prouinciandi.

XLVI. Ornandi causa sumitur per contrarium, sic: «Non enim, quemadmodum in palestra, qui «tædas² ardentes accipit, celerior est in cursu con-«tinuo, quam ille, qui tradit; ita melior imperator «novus, qui accipit exercitum, quam ille, qui de-«cedit: propterea quod defatigatus cursor integro «facem, hic peritus imperator imperito exercitum «tradit.» Hoc sine simili satis plane, et perspicue,

¹ Quomodo igitur. ² Candentes.

et probabiliter dici potuit, hoc modo: ¹ «Minus bonos imperatores a melioribus exercitum acci-«pere solere:» sed ornandi causa simile sumtum est, ut orationi dignitas quædam² compararetur. Dictum est autem per contrarium. Nam tunc similitudo sumitur per contrarium, quum ei rei, quam nos probamus, aliquam rem negamus esse similem, ut paullo ante, quum de cursoribus disserebamus. Per negationem dicetur, probandi causa, hoc modo: «Neque equus indomitus, quamvis «natura bene compositus sit, idoneus potest esse «ad eas utilitates, quæ desiderantur ab equo; ne-«que homo indoctus, quamvis sit ingeniosus, ad «virtutem potest pervenire.» Hoc probabilius fac-
tum est; quod magis est verisimile, non posse virtutem sine doctrina comparari, quoniam ne equus quidem indomitus idoneus possit esse. Ergo sum-
tum est probandi causa. Dictum est autem per negationem. Id enim perspicuum est de primo si-
militudinis verbo.

XLVII. Sumetur et, apertius dicendi causa, si-
militudo per brevitatem, hoc modo: «In amicitia
gerenda, sicut in certamine currendi, non ita
convenit exerceri, ut, quoad necesse sit, perve-
nire possis; sed ut productus studio, et viribus,

¹ Dicitur, minus bonos. ² Comparetur.

ultra facile procurras.» Nam hoc simile est, ut apertius intelligatur, mala ratione facere, qui reprehendant eos, qui, verbi causa, post mortem amici liberos ejus custodiant, propterea quod in cursore tantum velocitatis esse oporteat, ut efferratur usque ad fiuem; in amico tantum benivolentiae, ut ultra, quam amicus sentire possit, procurrat amicitia studio. Dicunt autem simile est per brevitudinem. Non enim ita, ut in ceteris rebus, res ab re separata est, sed utraque res conjuncte et confuse comparata. Ante oculos ponendi negotii causa sumetur similitudo, ¹ quam dicetur per collationem, sic: «Uti cithareodus, quem prodierit optime vestitus, palla inaurata induitus, cum chlamyde purpurea, coloribus variis intexta, et cum corona aurea, magnis fulgentibus gemmis illuminata, citharam tenens exornatissimam, auro et ebore distinctam, ipse praterea forma et specie sit et statuta apposita ad dignitatem; si, quem magnum populo commoverit his rebus expectationem, repente silentio facto, vocem emitta acerbiissimam cum turpissimo corporis motu; quo melius ornatus et magis fuerit expectatus, eo magis derisus et contentus, ejicitur: ita si quis in excuso loco, et in magnis ac locupletibus copiis

¹ Abest quam dicetur.

collocatus, fortuna muneribus, et naturae commodis omnibus abundabit; si virtutis, et artium, que virtutis magistrae sunt, egebit; quo magis ceteris rebus ¹ copiosus erit, et illustris, et exspectatus, eo vehementius derisus et contentus, ex omni conventu bonorum ejicitur.» Hoc simile, exornatione utriusque rei, et alterius inertiae artificis alterius ² stultitia similis ratione collata, sub aspectu omnium rem subjicit. Dictum autem est per collationem, propterea quod, proposita similitudine, paria sunt omnia relata.

XLVIII. In similibus observare oportebit diligenter, ut, quem rem afferamus similem, cuius rei causa similitudinem attulerimus, verba quoque ad similitudinem habeamus accommodata. Id est hujusmodi: «Ut hirundines aestivo tempore praesto sunt, frigore pulse recedunt.» Ex eadem similitudine nunc per translationem verba sumimus: «Ita falsi amici sereno vita tempore praesto sunt; simul atque hiemem fortunae viderint, devolant omnes.» Sed inventio similium facilis erit, si quis sibi omnes res animatas et inanimatas, mutas et loquentes, feras et mansuetas, terrestres et coelestes et maritimas, artificio, casu, natura comparatas, usitatas atque inusitatas, frequenter ante

¹ Erit copiosus et industrias. ² Stultitiae.

oculos poterit ponere, et ex his aliquam venari similitudinem, quæ aut ornare, aut docere, aut apertiorum rem facere, aut ponere ante oculos possit. Non enim res tota toti rei necesse est similis sit, sed ad ipsum, ad quod conferetur, similitudinem habeat oportet.

LIX. Exemplum est alicujus facti, ant dicti [præteriti], cum certi anctoris nomine propositio. Id sumitur iisdem de causis, quibus similitudo. Rem ornatorem facit, quum nullius rei, nisi dignitatis, causa sumitur: apertiorum, quum id, quod sit obscurius, magis dilucidum reddit: probabilitorem, quum magis verisimilem facit: ante oculos ponit, quum exprimit omnia perspicue, ut res ¹ prope dicam manu tentari possit. Uniuscujusque generis singula subjecsemus exempla, nisi exemplum, quod genus esset, in expolitione demonstrassemus, et causa sumendi in similitudine aperiussemus. Quare noluimus, neque pauca, quo minus intelligeretur, neque, re intellecta, plura conscribere.

Imago est formæ cum forma cum quadam similitudine collatio. Hæc sumitur aut laudis, aut vituperationis causa. Laudis causa, sic: « Ibat in prælium, corpore tauri validissimi, impetu leonis

¹ Dicta prope manu.

« acerrimi similis. » Vituperationis, ut in odium, aut in invidiam, aut in contumacionem adducat. Ut in odium, hoc modo: « Iste quotidie per forum medium, tanquam jubatus draco serpit, dentibus aduncis, aspectu venenato, spiritu rabido, circumspectans hoc et illuc, si quem reperiat, cui aliquid mali fauibus afflare [ore attingere], dentibus inseccare, lingua aspergere possit. » Ut in invidiam adducat, hoc modo: « Iste, qui divitias suas jactat, sicut Gallus e Phrygia, aut hariolus quispiam, depresso et oneratus auro, clamat, et dejerat. » Ut in contumacionem adducat, sic: « Iste, qui tanquam cochlea, abscondens et ¹ retentans sese tacitus, cum domo sua totus, ut comedatur, aufertur. »

Effictio est, quum exprimirit et effingitur verbis corporis cujuspian forma, quod satis sit ad intelligendum, hoc modo: « Hunc dico, judices, rubrum, brevem, incurvum, canum, suberisquam, cæsium, cui sane magna est in mento cicatrix, si quo modo potest vobis in memoriam redire. » Habet hæc exornatio quum utilitatem, si quem velis ² demonstrare; tum venustatem, si breviter et dilucide facta est.

¹ Retentat sese tacitus, quo sit tutus, comeditur cum domo sua, et aufertur. ² Ostendere.

L. Notatio est, quum aliqujus natura certis describitur signis, quæ, sicuti notæ quædam, naturæ sunt attributa. Ut si velis non divitem, sed ostentatorem ¹ pecunia describere: « Iste, inquies, ju-
dices, qui, se dici divitem, putat esse præclarum,
« primum nunc videte, quo vultu nos intueatur.
« Nonne vobis videtur dicere: Darem, si mihi
« molesti non essetis? Quum vero sinistra mentum
« sublevat, existimat se gemmæ nitore et auri
« splendore aspectus omnium præstringere. Quum
« puerum respicit hunc unum, quem ego novi
« (vos non arbitror novisse), alio nomine appellat;
« deinde alio atque alio. Heus tu, inquit, veni,
« Sannio, ne quid isti barbari ² turbent: ut ignoti,
« qui audiunt, unum potent eligi de multis. Ei
« dicit in aurem, aut ut domi lectuli sternantur,
« aut ab avunculo rogetur Ethiops, qui ad balneas
« veniat, ³ aut asturconi locus ante ostium suum
« detur, aut aliquod fragile falsæ choragium
« gloriæ comparetur. Deinde exclamat, ut omnes
« audiant: Videto, ut diligenter numeretur, si po-
« test, ante noctem. Puer, qui jam bene hominis
« naturam novit, Tu illo plures mittas oportet, in-
« quit, si hodie vis transnumerari. Age, inquit, duc
« tecum Libanum et Sosiam. Sane. Deinde casu ve-

¹ Pecuniosum, pecuniosi. ² Perturbent. ³ Abestaut.

« nunt hospites homini, qui istum splendide, dum
« peregrinaretur, receperant. Ex ea re homo hercle
« sane conturbatur: sed tamen a vitio naturæ non
« recelit. Bene, inquit, facitis, quum venitis: sed
« rectius fecissetis, si ad me domum recta abiissetis.
« Id fecissetis, inquinat illi, si domum novissem-
« mus. At istud quidem facile fuit undelibet inve-
« nire. Verum ite mecum. Sequuntur illi. Sermo
« interea hujus consumitur omnis in ostentatione.
« Quærit, in agris cujusmodi frumenta sint: negat
« se, quia villa incensæ sint, accedere posse, nec
« ædificare etiam nunc audere; tametsi in Tuscu-
« lano quidem coepi insanire, et in iisdem funda-
« mentis ædificare. »

LI. « Dum haec loquitur, venit in ædes quas-
« dam, in quibus sodalium erat eodem die futu-
« rum: quo iste pro notitia domini ædium ingreditur
« cum hospitiis. Hic, inquit, habito. Perspicit
« argentum, quod erat expositum, ¹ triclinium
« stratum: probat. Accedit servulus: dicit homini
« ² clam dominum jam venturum, si velit exire.
« Itane? inquit, eamus, hospites; frater venit ex
« Salerno: ego illi obviā pergam: vos huc de-
« cuma venitote. Hospites discedunt. Iste se rap-
« tim domum suam conjicit: illi decuma, quo

¹ Visit triclinium stratum. ² Clare.

„jusserat, veniunt. Quarunt hunc. Reperiunt, do-
„mus cuja sit: in diversorum derisi conferunt
„sese. Vident hominem postera die: narrant,
„expostulant, accusant. Ait iste, eos, similitudine
„loci deceptos, angiporto toto deerrasse: ¹ se
„contra valetudinem suam ad noctem multam ex-
„spectasse. Sannioni puero negotium dederat, ut
„vasa, vestimenta, pueros corrogaret. Servulus
„non iurbanus satis strenue et concinne com-
„parat: iste hospites domum deducit. Ait se ædes
„maximas cuidam amico ad nupias commodasse.
„² Nunciat puer, argentum repeti (pertinuerat
„enim, qui commodarat). Apagete, inquit, ædes
„commodavi, familiam dedi: argentum quoque
„vult? Tametsi hospites habeo, tamen utatur
„licet, nos Samiis delectabimur. Quid ego, quæ
„deinde efficiat, narrem? ejusmodi est hominis
„natura, ut, quæ singulis diebus efficiat gloria
„atque ostentatione, ea vix anno sermone enar-
„rare possim. » Hujusmodi notationes, quæ descri-
„bunt, quid consentaneum sit uniuscuiusque na-
„turæ, vehementer habent magnam delectationem.
Totam enim naturam cuiuspiam ponunt ante
oculos, aut gloriosi, ut nos, exempli causa, cope-
ramus, aut invidi, aut timidi, aut avari, ambitiosi,

¹ Abest sc. ² Nunciat interea puer.

amatoris, luxuriosi, furis, quadruplatoris: deni-
que cuiusvis studium protrahiri potest in medium
tali notatione.

LII. Sermocinatio est, quum alicui personæ sermo
attribuitur, et is exponitur cum ratione dignitatis,
hoc pacto: « Quum militibus urbs redundaret, et
« omnes timore oppressi domi continerentur, venit
« iste cum sago, gladio succinctus, tenens jaculum:
« quinque adolescentes hominem simili ornatu sub-
« sequuntur. Irrumpit in ædes subito, dein magna
« voce: Ubi est iste beatus, inquit, aedium domi-
« nus? Quin mihi præsto ¹ fit? Quid tacetis? Hic
« alii omnes stupidi timore obmutuerunt. Uxor
« illius infelicissimi cum maximo fletu ad istius pe-
« des abiecit sese. Parce, inquit, et per ea, quæ
« tibi dulcissima sunt in vita, miserere nostri: noli
« extinguerre extinctos. Fer mansuetæ fortunam:
« nos quoque fuimus beati: nosce te esse hominem.
« At ille: Quin illum mihi datis, ac vos auribus meis
« opplorare desinitis? non abibit. Illi nuntiatur in-
« terea venisse istum, et clamore maximo mortem
« minari. Quod simul ut audivit, Heus, inquit,
« Gorgia, pedisæque puerorum, absconde pueros:
« defende: fac, ut incolumes ad adolescentiam
« perducas! Vix hac dixerat, quum ecce iste præsto,

¹ Sic veteres edd. melius quam præsto sit.

« ¹ Sedes, inquit, audax? Non vox mea tibi vitam
« ademit? Exple inimicitias meas, et iracundiam
« satura tuo sanguine! Ille cum magno spiritu,
« Metuebam, inquit, ne plane victus essem. Nunc
« video: in judicio mecum contendere non vis, ubi
« superari turpissimum, et superare pulcherrimum
« est: interficere me vis. Occidat equidem, sed
« victus non peribo. At ² iste, In extremo vitae tem-
« pore etiam sententiose loqueris? Neque ei, quem
« vides dominari, vis supplicare? Tum mulier, Imo
« quidem ³ ille rogat ei supplicat. Sed tu, queso,
« commovere; et tu, per deos, inquit, hunc
« exemplare. Dominus est; vicit hic te, vinea tu
« nunc animum. Cur non desinis, inquit, uxor,
« loqui, quae me digna non snut? Tace, et que cu-
« randa sunt, cura. Tu cessas mihi vitam, tibi om-
« nem bene vivendi spem mea morte eripere? Iste
« mulierem repulit ab se lamentantem: illi, nescio
« quid incipienti dicere, quod dignum videlicet il-
« lius virtute esset, gladium in latere defixit. » Puto
in hoc exemplo datos esse unicuique sermones ad
dignitatem accommodatos: quod oportet in hoc ge-
nere observare. Sunt item sermocinationes conse-
quentes, hoc genus: « Nam quid putamus illos

¹ Cod. Erf. Etiam sedes. Quod habet quiddam ele-
gantius. ² Ille. ³ Iste.

« dicturos, si hoc judicaveritis? Nonne hac omnes
« utentur oratione? » Deinde subjicere sermonem.

LIII. Conformatio est, quam aliqua, qua non
adest, persona configitur, quasi adsit, aut quam
res muta, aut informis, fit eloquens et formata, et
ei oratio attribuitur ad dignitatem accommodata,
aut actio quedam, hoc pacto: « Quod si nunc hac
« urbs invictissima vocem mittat, non hoc pacto
« loquatur: Ego illa plurimis tropis ornata, trium-
« phis ditata certissimis, clarissimis locupletata
« victoriis, nunc vestris seditionibus, o cives, vexor?
« quam dolis malitiosa Carthago, viribus probata
« Numantia, disciplinis erudita Corinthus labefac-
« taré non potuit, eam patiemini nunc ab homin-
« culis deterrimis proteri atque conculeari? » Item,
« Quod si nunc L. ille Brutus reviviscat, et hic ante
« pedes vestros adsit, non hac utatur oratione?
« Ego reges ejeci, vos tyramos introduciūs: ego
« libertatem, qua non erat, peperi, vos partam
« servare non vultis: ego capitiis mei periculo pa-
« triam liberavi, vos liberi sine periculo esse non
« curatis! » Haec conformatio, licet in plures res
mutas atque ² inanimatas transferatur, proficit tamen
plurimum in amplificationis partibus et commis-
ratione.

¹ Ergo. ² Inanimatas.

LIV. Significatio est, quæ plus in suspicione relinquit, quam positum est in oratione. Ea fit per exuberationem, ambiguum, consequentiam, abscissionem, similitudinem. Per exuberationem, quum plus dictum est, quam patitur veritas, aucti^genda suspicionis causa, sic: « Hic de tanto patr^{on}io tam cito testam, qua sibi petat ignem, non reliquit. » Per ambiguum, quum verbum potest in duas pluresve sententias accipi, sed accipit in eam partem, quam vult is, qui dixit; ut de eo si dicas, qui multas hereditates adierit: « Prospice tu, qui plurimum cernis. » Ambigua quenadmodum vitanda sunt, quæ obscuram redundat orationem; ita hæc consequenda, quæ conficiunt hujusmodi significacionem. Ea reperientur facile, si noverimus et animadverterimus verborum anticipes aut multiplices potestates. Per consequentiam significatio fit, quum res, quæ sequuntur aliquam rem, dicantur, ex quibus tota res relinquunt in suspicione, ut si salsa mentarii filio dicas: « Quiesce tu, cuius pater cubito se emungere solet. » Per abscissionem, si, quum incipimus aliquid dicere, præcidimus, et ex eo, quod jam diximus, satis relinquunt suspicionis, sic: « Qui ista forma et ætate nuper alienæ domini..... nolo plura dicere. » Per similitudinem, quum, aliqua re simili allata, nihil amplius dicimus, sed ex ea

significamus, quid sentiamus, hoc modo: « Noli, « Saturnine, nimium populi frequentia fretus esse. » Inulti jacent Gracchii. » Hac exornatio plurimum festivitatis habet interdum, et dignitatis: sicut enim quiddam, tacito oratore, ipsum auditorem suscipi cari.

Brevitas est res ipsis tantummodo verbis necessariis expedita, hoc modo: « Lemnum præteriens cepit: inde Thasi præsidium reliquit: post urbem in Bithynia sustulit: inde pulsus in Hellespontum, statim potitur Abydo. » Item, « Modo consol, quondam tribunus, deinde primus erat civitatis. — « Tum proficiscitur in Asiam, deinde exsul et hostis est dictus, post imperator, postremo consul factus est. » Habet paucis comprehensa brevitas multarum rerum expeditionem. Quare adhibenda saepè est, quum aut res non egent longæ orationis, aut tempus non sinit com morari.

LV. Demonstratio est, quum ita res verbis exprimitur, ut geri negotium, et res ante oculos esse videatur. Id fieri poterit, si, quæ ante, et post, et in ipsa re facta erant, comprehendemus, aut si a rebus consequentibus, aut a circumstantibus non recedemus, hoc modo: « Quod simul atque Gracchus prospexit, fluctuare populum, verentem, ne ipse auctoritate senatus commotus a sententia de-

« sisteret, jubet advocari concionem. Iste interea « scelere et malis cogitationibus redundans, evolat « ex templo Jovis, et sudans, oculis ardentibus, « erecto capillo, contorta toga, cum pluribus aliis « ire celerius coepit. Illi praeco faciebat audientiam: « hic subsellium quoddam calcem premens, dextra « pedem defringit, ei alios hoc idem jubet facere. « Quum Gracchus deos inciperet precari, cursim « isti impetum faciunt; ex aliis aliisque partibus « convolant; atque e populo unus, Fuge, inquit, « Tiberi, fuge. Non vides? respice, inquam. Deinde « vaga multitudo, subito timore perterrita, fugere « coepit. At iste spumans ex ore scelus, anhelans « ex intimo pectore crudelitatem, contorquet bra- « chium; et dubitant Graccho, quid esset, neque « tamen locum, in quo constiterat, relinquenti, « percutit tempus. Ille, nulla voce ' delibans insi- « tam virtutem, concidit tacitus. Iste viri fortis- « simi miserando sanguine adspersus, quasi facinus « praelarissimum fecisset, circumspectans, et hi- « laris sceleratam gratulantibus manum porrigens, « in templum Jovis contulit sese. » Haec exornatio plurimum prodest in amplificanda et commis- randa re, hujusmodi enarrationibus: statuit enim totam rem, et prope ponit ante oculos.

* Delabans, delabens, delibans insita virtute.

LVI. Omnes rationes honestandæ elocutionis studiose collegimus, in quibus, Herenni, si te diligenter exercueris, et gravitatem, et dignitatem, et suavitatem habere in dicendo poteris, ut oratione plane loquaris: ne nuda atque inornata inventio vulgari sermone efferatur. Nunc identidem nosmet ipsi nobis instemus. Res enim communis agitur, ut frequenter et assidue consequamur artis rationem studio et exercitatione: quod alii cum molestia tribus de causis maxime faciunt; aut si, cum quibus libenter exerceantur, non ha- bent; aut si sibi diffidunt; aut si nesciunt, quam viam sequi debeant: quæ a nobis absunt omnes difficultates. Nam et simul libenter exercemur propter amiciam, cuius initium cognatio fecit, cetera philosophiæ ratio confirmavit: et nobis non diffidimus, propterea quod et aliquantulum proces- simus; et alia meliora sunt, quæ multo intentius petimus in vita, ut, etiam si non pervenerimus in dicendo, quo volumus, parva pars vitæ perfectissimæ desideretur: et viam, quam sequamur, habe- mus, propterea quod in his libris nihil praeteritum est rhetoricae præceptionis. Demonstratum est enim, quomodo res in omnibus generibus causa- rum inveniri ¹ oportet: dictum est, quo pacto

¹ Oporteat.

eas disponere ¹ conveniret: traditum est, qua ratione esset pronuntiandum: præceptum est, qua via meminisse possemus: demonstratum est, quibus modis perfecta elocutio compararetur. Quæ si exsequimur, acute et cito reperiemus, distincte et ordinate disponemus, graviter et venuste pronuntiabimus, firme et perpetuo meminerimus, ornate et suaviter eloquemur. Ergo amplius in arte rhetorica nihil est. Haec omnia adipiscemur, si rationes præceptionis diligentia consequemur ² exercitationis.

¹ Conveniat. ² Et exercitatione.

DE INVENTIONE RHETORICA

LIBRI DUO ³.

* De his quidem libris suis ita loquitur Tullius, ut eos sibi pueru aut adolescentulo ex commentariolis suis excidisse dicat ⁴. Elacet tamen in iis, quos habemus, maturior, quam ea fert ætas, et artis tradendæ peritia, et scribendi facultas et copia; quivis ut legendo sentiat auctorein esse eum, qui possit non tantum de arte loqui, sed etiam ex arte dicere.

* « Quæ pueris aut adolescentulis nobis ex commentariolis nostris inchoata ac rudia exciderunt. » De Orat. 1, 2.